

vnd besserung gerichtet. Wer den Geist
 Christi hat / kan solches leicht sehen vnd
 erkennen / den Warheit ist allezeit War-
 heit. Vnd ob wol etliche Worte vnd Phra-
 ses gebrauchet werden / die einem fleisch-
 lichen vnd vnzubeten Menschen frembd
 scheine / so sihet doch ein geistlicher vnd im
 Christenthumb wol geübeter Mensch /
 daß sie nicht wider die Schrifte vnd Glaub-
 ben lauffen. Wenn der Sinn vnd Mey-
 nung recht vnd gut / darff man sich vmb
 die Wort nicht gewiß bekümmern.
 Bezeuge / sagt der Apostel / für dem
 Herrn / daß sie nicht vmb Worte
 zanken / welches nichts nütze ist /
 denn verkeren die da zuhören 2.
 Tim. 2. Darumb hastu dich nicht lieber
 Christ zu fürchten / daß du nach sage D-
 sandri / durch den schönen vnd herzli-
 chen Titel vnd Namen des Arndtischen
 Christenthumbs / werdest in Kezerey /
 vnd Irthumb geführet / sondern wirst
 viel mehr dafür bewahret / vnd zu allem
 guten unterweiset / vnd in deinem Glaub-
 ben vnd Gottseligkeit gestärket.

Mercke